



Մ Ա Յ Ր Ա Թ Ո Ռ Ո Ւ Մ

Հունվարի 7-ին, կիրակի.—Է օր Ծնընդ-
եան.

Մայր տաճարում ա. պատարագ է մատուցում տ. Արսեն ծ. վրդ. Բերքերյանը և քարոզում՝ «Փառք ի քարձունս Աստուծոյ, և յերկիր խաղաղութիւն, ի մարդիկ հաճութիւն» (Ղուկաս. Բ 14) բնաբանով:

Հավարտ ա. պատարագի, Վեհափառ Հայրապետի հանդիսադրությամբ, կատարվում է հոգեհանգստյան մասնավոր կարգ Մայր տաճարի հանգուցյալ լուսարարապետ տ. Հայկազուն արքեպ. Արքահայրանի մահվան առաջին տարեկիցի առիթով: Հոգեհանգստյան արարողությունից առաջ Մայր տաճարի լուսարարապետ տ. Հուսիկ եպս. Սանթրոյանն իր քարոզի մեջ վեր է հանում լուսահոգի տ. Հայկազուն արքեպիսկոպոսի գործունեությունն ու հիշատակը, որպէս տիպար հոգևորականի, անձնորդի և նվիրյալ սպասավորի հայ եկեղեցու:

Ս. պատարագից հետո հանգուցյալ սրբազանի շիրմի վրա կատարվում է հոգեհանգիստ ա. Գալանե վանքի միաբանական գերեզմանատանը՝ մասնակցությամբ Մայր Աթոռի միաբանության, դասախոսական կազմի, հոգևոր ճեմարանի ուսանողության և հանգուցյալ սրբազանի հարազատների և քարեկամների:

Արարողությանը նախագահում է տ. Հուսիկ եպս. Սանթրոյանը:

Հունվարի 10-ին, չորեքշաբթի.—Այսօր
հոգևոր ճեմարանում սկսվում են երկրորդ
կիսամյակի դասավանդությունները:

Հունվարի 12-ին, ուրբաթ.—Այսօր, երեկո-
յան ժամը 19-ին, Երևանում, հայրապետա-
կան վիլլայում, գումարվում է Գերագույն
հոգևոր խորհրդի հերթական նիստը՝ Վե-
հափառ Հայրապետի նախագահությամբ:

Հունվարի 13-ին, շաբաթ.—Տօն անուա-
նակչութեան Տեառն մերոյ Յիսուսի Քրիս-
տոսի.

Այսօր Մայր տաճարում ա. պատարագ է մատուցում տ. Հովհաննես քնն. Մարությանը:

Հունվարի 14-ին, կիրակի.—Մայր տաճա-
րում ա. պատարագ է մատուցում տ. Մասիս
արդ. Գալստյանը:

Ս. պատարագին ներկա է լինում նաև Վեհափառ Հայրապետը:

*
*

Հունվարի 21-ին, կիրակի.—Մայր տաճարում ս. պատարագ է մատուցում տ. Հակոբ քհն. Հակոբյանը:

Ս. պատարագին ներկա է լինում նաև Վեհափառ Հայրապետը:

*
*

Հունվարի 26-ին, ուրբաթ.—Այսօր, երեկոյան ժամը 19-ին, Երևանում, հայրապետա-

կան վիճարկում, գումարվում է Գերագույն հոգևոր խորհրդի հերթական նիստը՝ Վեհափառ Հայրապետի նախագահությամբ:

*
*

Հունվարի 28-ին, կիրակի.—Մայր տաճարում ս. պատարագ է մատուցում տ. Մուշեղ վրդ. Պետիկյանը: «Երանի խաղաղարարաց, զի նոքա որդիք Աստուծոյ կոչեցին» (Մատթ. Ե 9) բնաբանով քարոզում է տ. Մասիս աթղ. Գալստյանը:

